

韓昌黎全集

國學基本文庫



上海中央書局
印行

民國二十五年八月三版 外埠酌加寄費匯費

韓昌黎全集 (全書四冊) 實價大洋六角

著 者 韓 愈

校 訂 者 襟 霞 閣 主

出 版 者 中 央 書 店

發 行 者 中 央 書 店

上海四馬路世界里
電話九〇七二二號

版 所 有 權
不 准 翻 印

全 國 各 大 書 局 均 有 代 售

韓昌黎全集第四冊

卷三十五

碑誌

盧渾墓誌銘 渾河南法曹參軍第二子而公妻弟也然有銘無誌焉

前汝父母右汝兄 兄上或有弟字或作後有汝兄渾於陸弟也兄弟惟二人 汝從之居。視汝如生。遷汝居兮。日月之良。 遷汝或作汝遷于三字 汝居孔固

兮後無有殃。汝不信兮。視此銘章。 此或作於

虢州司戶韓府君墓誌銘

韓氏自魏安定桓王茂五世孫為叡素嘗為桂州刺史四子長仲卿為武昌令贈尚書右僕射次少卿太白云感概重諾死於節義次雲卿禮部侍郎公為科斗書後記云叔父營大曆

世文詞獨行中朝即雲卿也季紳卿涇陽令嘗為揚州錄事參軍太白謂工古文而能官者公與兄會介仲卿之子也俞雲卿之子也岌紳卿之子也岌為虢州司戶故公誌云桂州君之孫司錄君之子其系明甚李太白為武昌德政碑亦言桂州君四子名諱長少皆與此誌合惟唐史世系表乃以桂州君為有七子無少卿而有晉卿季卿子卿升卿果何據而然未有公之家世而適誤漏者也史至是何以取信後世哉

安定桓王五世孫叡素為桂州長史。化行南方。 長或作刺考世系表李太白去思頌公墓誌行狀皆作長史

有子四人。最季曰紳卿。文而能

官。嘗為揚州錄事參軍。事故宰相崔圓。 或無參軍二字上元元年二月以崔圓為揚州大都督府長史淮南節度使

圓狎愛州民。丁某至。願省其家。後

大衙會日。司錄君趨以前。大言曰。請舉公過。公與小民狎。至其家害於政。 或無復出至字

圓驚謝曰。錄事言是

圓實過。乃自署罰五十萬錢。由是遷涇陽令。破豪家水碾。利民田。頃凡百萬。君諱岌。桂州君之孫。司錄君

之子亦以能官名少而奇壯而強老而通開本無而強老三字方以為脫以元和元年六月十四日卒年五十七元或作三娶京

兆田氏女或無女字男曰家女曰門曰都皆幼或無門二字初君樂鏡之士田山水求掾其州去官猶家之既卒因

以其年九月某日葬州北十里崔長史墓西葬下或有子字銘曰

凡兆于茲唯其家之材或作財○今按此句未詳當有脫誤蓋歸有時

四門博士周況妻韓氏墓誌銘此誌及張徹墓誌皆以俞為開封尉唐宰相表以俞為開封令亦誤矣

四門博士周況妻韓氏諱好出好字尚書禮部郎中諱雲卿之孫開封尉諱俞之女開封娶趙氏生二女

三男下開封字或作俞俞二女長嫁周況次嫁張徹三男無競皆餘州來開封卓越豪縱不治資業喜酒色狗馬趙氏卒十一年而開封亦卒開封

從父弟愈於時為博士或無弟字舊本皆有○今按公父仲卿與開封之父雲卿為兄弟則公與開封固從父兄弟也乞分教東都生以收其孥於開封界中教畜

之而歸其長女子周氏況子一作於元和元年况中進士第是歲公以好好適况況進士家世儒者或無况字曾祖諱延潭州長沙令祖諱誨

常州參軍父諱良甫左驍衛兵曹參軍況立名行人士譽之韓氏嫁九年生一男一女年二十七以疾卒

葬長安城南鳳栖原其從父愈於時為中書舍人父下方有弟字○今按方本非是儀禮喪服篇有族曾祖父者曾祖之兄弟也其子為族祖父其孫為族父其曾孫為族兄弟

皆為從父弟矣於開封之女則公當為從祖父也此但云從父為脫一祖字方作從父弟尤誤今無別本不敢輒增祖字且从諸本去弟

為銘曰

夫失少婦失或作喪子失壯母歸咎無處

韓滂墓誌銘

公為袁州日二姪湘滂皆從之滂死於袁州故云權葬宜春郭南一里宜春袁州也世系表老成二子湘大理丞滂寶雞丞按誌滂年十九死則未嘗仕也表復誤矣

韓氏子。其先仕魏。號安定桓王。王名茂滂九世祖也滂父老成。厚謹。以文為韓氏。喪子弟。未仕而死。有二子。滂其

季也。其祖諱介。為人孝友。一命率府軍佐。以卒。二子百川。老成。老成為伯父起居舍人某後。或無復出老成字或無某字

起居有德行言詞。為世軌式。滂既兄弟二人。而率府長子百川早死。無嗣。或無早字其叔祖愈命滂歸後其祖

滂。清明遜悌。以敏讀書倍文。功力兼人。倍與背同倍文謂背本暗記也周禮注倍文曰諷誦語蓋本此洪譜以為文詞一為作文蓋不考此而誤改兼下文復有為文辭字亦不應重複如此也

且奇偉。矜長。不類舊常。吾曰。爾得無假之人邪。或無得字無人字退大喜。謂其兄湘曰。某違翁且踰年。懼無以為

見。今翁言乃然。可以為賀。羣輩來見。皆曰。滂之大進。不唯於文詞。為人亦然。或無文字詞下有於字既數月。得疾以死。

年十九矣。死或作卒滂貞元十八年生吾與妻。公妻高平君盧氏哭之傷心。三日而斂。既斂七日。權葬宜春郭南一里。或無一字嗚呼。

其可惜也已。也一作之銘曰

天固生之邪。偶自生邪。或無之字天殺也邪。其偶自死邪。或無也字莫不歸於死。壽何少多。歸或作悲銘以送汝。其悲柰

何。

女挈壙銘

公元和十四年以刑部侍郎諫佛骨忤上意出為潮州女挈道死商南層峯驛廛之山下其年十一月二十日移刺袁州明年九月召為國子祭酒過墓下題詩驛梁至是發其喪歸葬于河南之河陽世墓之次云

女挈。女如女書二切韓愈退之第四女也。惠而早死。愈之為少秋官。為少或作少為非是元和十年十二月公為刑部侍郎言佛夷鬼。其法亂治。

梁武事之卒。有侯景之敗。或無武字可一掃刮絕去。不宜使爛漫。刮或作制天子謂其言不祥。斥之潮州。漢南海揭

陽之地。或無漢字○揭其逝切又音竭愈既行。有司以罪人家。不可留京師。迫遣之。或無女挈年十二。病在席。病或作疾。或在病無席字。

既驚痛與其父訣。又輿致走道。又一作父撼頓失食飲節。死於商南層峰驛。層峯或作密即瘞道南山下。五年。愈為

京兆。下或有尹字始令子弟與其姆易棺衾。歸女挈之骨於河南之河陽韓氏墓葬之。葬上或有而字女挈死當元和

十四年二月二日。和下有或其發而歸。在長慶三年十月之四日。其葬在十一月之十一日。銘曰。

汝宗葬於是。汝安歸之。惟永寧。

河南縱氏主簿唐充妻盧氏墓誌銘 公嘗誌盧君夫人苗氏之墓。今誌唐充妻盧氏。即苗氏長女也。充其長女。增公季女。增也。

夫人盧氏諱某。蘭陵太守景柔八世孫。父貽。卒河南法曹。法曹娶上黨苗氏。太師晉卿兄女。生三女三男。

考苗夫人志夫人最長。法曹卒。苗夫人嫁之唐氏充。充明經。或無復宰相休憬曾姪孫。出郟氏。今按郟綺。戰反。當云二男。

相亂今流俗。郟超字多作郟誤也。外王父昂。中書舍人。夫人年若干。嫁唐氏。凡生男與女九人。年四十二。元和四年正月二

十二日卒。其年四月十五日。葬河南府河南縣之大石山下。銘曰。

夫人本宗。世族之後。率其先猷。令德是茂。爰歸得家。九子一母。得或作其婉婉有儀。柔靜以和。命不倖身。茲其

奈何。刻銘墓石。以告觀者。觀或作親。○者之戈切。與何叶。吳才老讀如此。

乳母墓銘 舊本作河南縣令韓愈乳母李氏。葬乳母且為之銘。自公始。

乳母李徐州人。李下或有號正真。入韓氏乳其兒。愈。入或作為下愈生未再周月。孤失怙恃。大曆三年公生五年而公父仲卿卒。此云未再

周月孤失怙恃未詳退之祭嫂鄭夫人云我生不辰三歲而孤此言未再周月孤失怙恃是雖入三歲而未及兩周也李憐不忍棄去李下或有氏字視保益謹遂老韓氏及見所乳兒

愈舉進士第歷佐汴徐軍見下或有其字徐入朝為御史國之博士尚書都官員外郎河南令娶婦生二男

五女二或作三時節慶賀輒率婦孫列拜進壽節下或有受字輒上或有愈字年六十四元和六年三月十八日疾卒疾或作病或無疾字或作

卒三日葬河南縣北十五里愈率婦孫視窆封且刻其語於石納諸墓為銘語或作誌

卷三十六

雜文

瘞硯銘銘或作文

隴西李觀元賓始從進士貢在京師公與元賓皆貞元八年進士也或貽之硯既四年悲歡窮泰未嘗廢其用凡與之試藝

春官實二年登上第行於襄谷此下或有問役者劉胤誤墜之地毀焉乃匣歸埋於京師里中昌黎韓愈其

友人也贊且識云

士乎質陶乎成器復其質非生死類全斯用毀不忍棄斯聞作埋者識之仁之義硯乎硯乎與瓦礫異

毛穎傳公作此傳當時有非之者張籍書所謂戲謔之言謂亦指此舊史亦從而為之言曰戲戲不近人情是豈有識者哉柳子厚豈下人者乃獨以為奇既書其後又答楊誨之書云足下所持韓生毛穎傳來僕甚奇其書恐世人非之今

文尤高不下遷史談藪亦謂此傳似太史公筆子厚有讀毛穎傳後題見柳集二十一卷

毛穎者中山人也中山國名其先明眎禮記鬼曰明眎佐禹治東方土句養萬物有功因封於卯地死為十二神

治方作理士方作吐屬下句云孔氏周書注曰土能吐生百穀義取此○今按東方卯位此正為下文封於卯地死為十二神而言也然
苑與卯皆不屬土與方所引孔說不合又不見其所吐何者可養萬物兼治東方為句語意亦似未足唯參同契云兔者吐生光則兔乃
有吐義然似亦只與下文當吐而生之說相表裏止是自吐其子而無吐養萬物之意未見其必可據也若作治東方土而自為一句但
以平水土而言則於語勢無闕而下句養萬物有功為養鮮食之義意亦自明故今且從諸本其以十二物為十二神相承已久亦未
見所從來并闕
嘗曰吾子孫神明之後不可與物同當吐而生已而果然當吐而生 明眎八世孫鬻鬻本音奴
之以埃知者

子 兔子楚郭注云俗呼曰鱷與鱷同論衡曰兔舐毫而孕 及其生子从口而出名曰媿媿芳萬切廣雅云媿兔子 世傳當殷時居中山得神仙之術能匿光使物竊恆娥淮南

騎蟾蜍入月其後代遂隱不仕云居東郭者曰媿者下或有號東郭媿而 狡而善走與韓盧

爭能盧不及盧怒與宋鵠謀而殺之醢其家鵠或作捉廣雅曰韓盧宋鵠 秦始皇時蒙將軍恬製筆自 南伐楚

次中山將大獵以懼楚中山在秦東北非伐楚所當次 召左右庶長與軍尉或無右 以連山筮之法周禮三易之 得

天與人文之兆筮者賀曰今日之獲不角不牙衣褐之徒缺口而長鬚八竅而跣居音夫 獨取其鬣簡牘

是資天下其同書秦其遂兼諸侯乎筮詞皆用古韻詩所父子王之爪牙斷所止居古牙居通鬣與資亦然一云崔約古今注

居書叶今北人語猶謂毛為謨公 作董生詩香與書漁叶皆可證也遂獵圍毛氏之族拔其豪或作毫非是 載穎而歸獻俘於章臺宮聚其族而加束

縛焉秦皇帝使恬賜之湯沐而封諸管城號曰管城子或無 日見親寵任事穎為人強記而便敏自結繩

之代以及秦事無不纂錄陰陽卜筮占相醫方族氏山經地志字書圖畫九流百家天人之書及至浮圖

老子外國之說皆所詳悉又通於當代之務官府簿書市井貨錢注記惟上所使自秦皇帝皇上或 及太

子扶蘇胡亥丞相斯相下或 中車府令高趙高為中 車府令下及國人無不愛重又善隨人意正直邪曲巧拙一

隨其人。雖見廢棄。終默不洩。雖下或有後字惟不喜武士。然見請亦時往。累拜中書令。與上益狎。上嘗呼爲中書

君。上親決事。以衡石自程。秦始皇紀天下之事無大小皆決於上。至以衡石量書。日夜有程。不中程不得休息。石百二十斤也。雖宮人不得立左右。獨穎與執燭者

常侍上休方罷。穎與絳人陳玄弘、農陶泓及會稽褚先生友善。相推致。其出處必偕。上召穎。三人者不待

詔輒俱往。上未嘗怪焉。後因進見。上將有任使拂拭之。因免冠謝。上見其髮禿。又所摹畫不能稱上意。或蓋

作上嘻笑曰。噫。或作喜。非是。中書君老而禿。不任吾用。吾嘗謂君中書君。君今不中書邪。君今君對曰。臣所謂盡心

者。因不復召歸封邑。終於管城。其子孫甚多。散處中國。夷狄皆冒管城。惟居中山者能繼父祖業。

太史公曰。毛氏有兩族。其一姬姓。文王之子。封於毛。所謂魯衛毛聃者也。左氏傳二十四年富辰之言戰國時有毛公毛

遂。遂。趙人平原君之客。獨中山之族。不知其本所出。子孫最爲蕃昌。或無春秋之成。見絕於孔子。而非其罪。及蒙將

軍拔中山之豪。或作豪。非是。始皇封諸管城。諸或作之。世遂有名。而姬姓之毛無聞。穎始以俘見。卒見任使。見或秦

之滅諸侯。穎與有功。賞不酬勞。以老見疏。秦真少恩哉。

下邳侯革華傳。方云。閣本無此篇。劉龍圖辯云。或言此篇不類退之文。及得本校。果無趙璘因話錄謂革華傳稱韓文公皆後人所誣。是唐人已知其僞。然杭本文粹皆錄洪謂始錄於歐公。非也。○今按此當全篇刪云。

送窮文。予嘗見文宗備問云。顧頊高辛時宮中生一子。不着完衣。宮中號爲窮子。其後正月晦死。宮中葬之。相謂曰。今日送也。小宋云。退之送窮文。進學解。毛穎傳等諸篇。皆古人意思。未到可以名家矣。然送窮文與揚子雲逐貧賦。大率相類。張文潛曰。公送窮文。蓋出于雲逐貧賦。然文采過逐貧矣。晁無咎取此文於續楚詞系之。曰。愈以屢窮不遭時。若有物焉。爲之

故託於鬼。諱彼窮我者。車船飲食謝而遠之。而窮不可去也。則燒車與船。延之上座。亦卒歸於正之義焉。

元和六年正月乙丑晦。主人使奴星。或有復出星字結柳作車。縛草爲船。載糗與糒。糗或作與糗爾雅云麥也周禮糗餌粉粢糗糒也○糗去久丘救二切糒

之良牛繫輓下。引帆上橋。選萬里連橋牛繫輓下○輓乙革切橋音牆三揖窮鬼而告之曰。聞子行有日矣。日下或無矣字鄙人不敢問所

塗竊具船與車。備載糗糧。竊或作躬日吉時。良利行四方。子飯一孟子。啜一觴。攜朋挈儔。去故就新。駕麇曠風。

○曠音霍又廓郭二音與電爭先。子無底滯之尤。我有資送之恩。子等有意於行乎。屏息潛聽。如聞音聲。若嘯若啼。若

歔。憂。嚶。○善霍鏡切歔許勿切毛髮盡豎。竦肩縮頸。疑有而無。久乃可明。若有言者曰。吾與子居四十年。餘子在孩提。

吾不子愚。子學子耕。求官與名。惟子是從。不變於初。門神戶靈。我叱我呵。包羞詭隨。志不在他。子遷南荒。

熱爍濕蒸。我非其鄉。百鬼欺陵。太學四年。朝蠶暮鹽。惟我保汝。人皆汝嫌。自初及終。未始背汝。心無異謀。

口絕行語。於何聽聞。云我當去。是必夫子信讒。有間於予也。我鬼非人。安用車船。鼻嗅臭香。○鼻許救切糗糧

可捐。單獨一身。誰爲朋儔。子苟備知。可數已不。已與以同以又與與同子能盡言。可謂聖智。情狀既露。敢不迴避。迴或作曲

主人應之曰。子以吾爲真不知也。邪。子之朋儔。非六非四。朋儔或作儔朋六或作三非是在十去五。滿七除二。各有主張。私

立名字。握手覆羹。○握手力結切轉喉觸諱。凡所以使吾面目可憎。目或作貌語言無味者。皆子之志也。其名曰智窮。

名上或有一字矯矯亢亢。惡圓喜方。羞爲姦欺。不忍害傷。其次名曰學窮。傲數與名。摘抉杳微。○抉於決切高挹羣言。

執神之機。又其次曰文窮。曰文上或有名字不專一能。怪怪奇奇。不可時施。祗以自嬉。又其次曰命窮。影與形殊。

面醜心妍。利居衆後。責在人先。又其次曰交窮。磨肌戛骨。吐出心肝。企足以待。寘我讎冤。凡此五鬼。爲吾

五患。飢我寒我。興訛造訛。能使我迷人。莫能間朝悔其行。暮已復然。蠅營苟狗。驅去復還。言未畢。五鬼相

與張眼吐舌。跳踉偃仆。抵掌頓脚。失笑相顧。徐謂主人曰。子知我名。凡我所為。驅我令去。小黠大癡。淮南子人

不小學不大迷。小慧不大愚。又抱朴子。凡人多以子人小黠而大愚。洪駒父曰。小黠大癡。三國志自有全文。人生一世。其久幾何。吾立子名。百世不磨。小人君子。其心不同。

惟乖於時。惟或作乃與天通。攜持琬琰。易一羊皮。飫於肥甘。慕彼糠粃。天下知子。誰過於子。雖遭斥逐。不

忍子疎。謂予不信。請質詩書。主人於是垂頭喪氣。上手稱謝。燒車與船。延之上座。之或作入公此篇終云延之

近世唐子西作留窮詩二者皆祖公之意而為之然成式後又作送窮辭焉

鱷魚文鱷或作鱷朱居靖公秀水閒居錄云鱷魚之狀龍吻虎爪蟹目鬚鱗尾長數尺末大如箕芒刺成鈎仍有膠黏多於水濱潛伏人畜近以尾擊取蓋猶象之任鼻也新舊傳皆載公此文初公至潮問民疾苦皆曰惡谿有鱷魚食民產

且盡數日公令其屬秦濟以一羊一豚投谿水而祝之其夕有暴風震雷起湫水中數日水盡涸西徙六十里自是潮州無鱷魚患潮州廟記所謂能馴鱷魚之暴者此也歐陽文忠作陳文惠公神道碑書公通判潮州惡谿鱷魚不可近公命捕得

鳴鼓于市告以文而戮之其患并息潮人歎曰昔韓公諭鱷而聽今公戮鱷而懼所為雖異其使異物醜類革化而利人一也吾潮間三百年而得二公幸矣

維年月日。或作維元和十四年四月二十四日潮州刺史韓愈。使軍事衙推秦濟。以羊一豬一。役惡谿之潭水。以與鱷魚食。而

告之曰。昔先王既有天下。列山澤罔繩。擗刃以除蟲蛇惡物。為民害者。列新書作剷方云音力制切遮道也罔或作

外或無驅而出之四海之外。及後王德薄。不能遠有。或無後則江漢之間。尚皆棄之。以與蠻夷楚越。蠻字

況潮嶺海之間。去京師萬里哉。潮或作湖而無海字或作嶺海而併無湖湖字○今按此言潮州乃嶺海之間鱷魚之涵淹

卯育於此。亦固其所。今天子嗣唐位。神聖慈武。今字閣本在下非是四海之內。皆撫而有之。況禹跡所揜。

揚州之近地。刺史縣令之所治。出貢賦以供天地宗廟百神之祀之壤者哉。鱷魚其不可與刺史雜處此土也。刺史受天子命。守此土。治此民。而鱷魚睥然不安谿潭。睥然方云左氏睥其目睥日出貌安上或有下字不或作而或無處字○今按此恐有脫誤疑當云睥然不去據溪潭食民畜云云乃是更詳之○睥何版切據處食民畜熊豕鹿豕以肥其身。以種其子孫。與刺史亢拒。爭為長雄。亢拒或無亢字長雄漢薛宣傳上黨少豪俊易刺史雖鴛弱。亦安肯為鱷魚低首下心。或作身或作中云洪謂中身也禮曰文子共中退然國語余左執鬼中注身也○今按二本皆通然意新史作心為近故从之仇仇視視。目出貌本或作視視息咨反視也方云或枝作睥睥窮視貌莊子睥睨然在微纒中之○今按恐當作睥為是○仇悉枕切版胡典切為民吏羞。以偷活於此邪。或作也且承天子命。以來為吏。固其勢不得不與鱷魚辨。鱷魚有知其聽刺史言。或無言字潮之州。大海在其南。鯨鵬之大。蝦蟹之細。無不容歸。以生以食。鱷魚朝發而夕至也。今與鱷魚約。盡三日。其率醜類南徙於海。以避天子之命吏。三日不能至五日。五日不能至七日。七日不能。是終不肯徙也。是不有刺史聽從其言也。不然。則是鱷魚冥頑不靈。刺史雖有言。不聞不知也。夫傲天子之命吏。不聽其言。不徙以避之。與冥頑不靈。而為民物害者。皆可殺。與冥或無冥字與冥或無冥字刺史則選材技吏民。或無吏字操強弓毒矢。以與鱷魚從事。必盡殺乃止。其無悔。

卷三十七

行狀 狀

故金紫光祿大夫檢校尚書左僕射同中書門下平章事兼汴州刺史充宣武軍節度副大使知節度事管內支度營田汴宋亳穎等州觀察處置等使上柱國隴西郡開國公贈太傅董公行

狀 題中或無
支度二字

曾祖仁琬皇任梁州博士祖大禮皇贈右散騎常侍父伯良皇贈尚書左僕射

一本有皇任開州新浦縣主簿

九字公嘗從晉於汴州為觀察推官故知晉行治甚詳唐史晉傳皆取公行狀為之其增修者不一二爾司馬溫公考異以為公作晉行狀必揚美蓋惡敘其為相時事止於此則其循默充位可知然其重謹亦可稱也談藪云董晉行狀書李懷光事大似左氏

公諱晉字混成河中虞鄉萬里人少以明經上第宣皇帝居原州至德元載十月肅宗幸原州公在原州宰相以公善為

文任翰林之選聞選下或有既以字召見拜祕書省校書郎入翰林為學士三年出入左右天子以為謹愿賜耕

魚袋累升為衛尉寺丞出翰林以疾辭拜汾州司馬崔圓為揚州詔以公為圓節度判官攝殿中侍御史

貞元二年二月以前汾州刺史崔圓為淮南節度使奏晉以本官攝御史充判官以軍事如京師朝天子識之拜殿中侍御史內供奉由殿中為侍御史

入尚書省為主客員外郎由主客為祠部郎中先皇帝時兵部侍郎李涵如同紇下沒切立可敦詔公兼侍

御史賜紫金魚袋為涵判官大曆四年五月兵部侍郎李涵如同紇奏晉為判官回紇之人來曰唐之復土壇取回紇力焉取一作假約我為

市馬市字絕句方以馬字屬上句而覆出馬字連下文為句非是既入而歸我賄不足我於使人乎取之乎一作卒涵懼不敢對視公公與之言

曰我之復土壇爾信有力焉吾非無馬而與爾為市為賜不既多乎公與或作公為與上或無而字為賜或作為爾賜爾之馬歲至吾

數皮而歸資邊吏請致詰也至上或有五字而無音字皆非是天子念爾有勞故下詔禁侵犯或無故字諸戎畏我大國之爾與

也莫敢校焉爾之父子寧而畜馬蕃者非我誰使之於是其衆皆環公拜是下或無其字既又相率南面序拜皆

兩舉手曰。不敢復有意大國。

兩舉或作舉。兩此用莊子盜跖大怒。兩展其足也。或無復字。

自迴紇歸。拜司勳郎中。未嘗言迴紇之事。遷祕書

少監。歷太府太常二寺亞卿。為左金吾衛將軍。今上即位。

德宗即位

以大行皇帝山陵。出財賦。拜太府卿。由太

府為左散騎常侍。兼御史中丞。知臺事三司使。選擢才俊。有威風。始公為金吾。未盡一月。拜太府。

未盡或作始盡

九日。又為中丞。朝夕入議事。於是宰相請以公為華州刺史。拜華州刺史。潼關防禦鎮國軍使。朱泚之亂。

加御史大夫。詔至於上所。又拜國子祭酒。兼御史大夫。宣慰恆州。

建中四年十二月以晉為國子祭酒。河北宣慰使。

於是朱滔自范陽

以回紇之師助亂。人大恐。

人下或有。心字或有心字。無大字。

公既至恆州。恆州即日奉詔出兵。與滔戰。大破走之。還至河中。

李懷光反。上如梁州。

興元元年三月李懷光反。車駕幸梁州。

懷光所率皆朔方兵。公知其謀與朱泚合也。患之。造懷光言曰。公

之功天下無與敵。

與上或有以字。

公之過未有聞於人。某至上所言公之情。上寬明。將無不赦宥焉。乃能為朱泚

臣乎。彼為臣而背其君。苟得志於公。何有。且公既為太尉矣。彼雖寵公。何以加此。彼不能事君。能以臣事

公乎。公能事彼。而有不能事君乎。彼知天下之怒。朝夕戮死者也。故求其同罪而與之比。

或無故字。

公何所利

焉。公之敵彼。有餘力。不如明告之絕。而起兵襲取之。清宮而迎天子。庶人服而請罪。有司

罪下或有於字。

雖有大

過。猶將揜焉。如公則誰敢議。語已。懷光拜曰。天賜公活懷光之命。喜且泣。公亦泣。則又語其將卒。如語懷

光者。將卒呼曰。天賜公活吾三軍之命。拜且泣。公亦泣。故懷光卒不與朱泚。當是時。懷光幾不反。公氣仁

語若不能出口。及當事。乃更疎亮。捷給其詞。忠其容貌溫然。故有言於人。無不信之。

下或有之字。

明年上復京師。

拜左金吾衛大將軍。由大金吾爲尙書左丞。又爲太常卿。貞元二年七月以晉爲尙書左丞被黜復拜太常卿由太常拜門下侍郎平章

事。五年正月以晉爲門下侍郎平章事在宰相位凡五年。所奏於上前者皆二帝三王之道。由秦漢以降未嘗言。以或作已退歸未

嘗言所言於上者於人子弟有私問者。公曰：宰相所職繫天下。天下安危宰相之能與否可見。欲知宰

相之能與否如此視之其可。凡所謀議於上前者不足道也。故其事卒不聞。或無復出天下二字以疾病辭於上前

者不記。或作已退以表辭者八方許之。拜禮部尙書。九年五月罷相改禮部尙書制曰：事上盡大臣之節。又曰：一心奉公於

是天下知公之有言於上也。初公爲宰相時五月朔會朝天子在位。公卿百執事在廷。侍中贊百僚賀。中

書侍郎平章事竇攝中書令。當傳詔疾作不能事。疾上或有辭字非是凡將大朝會當事者既受命皆先日習儀

於時未有詔。公卿相顧。公遂巡進北面言曰：攝中書令臣某病不能事。臣請代某事。於是南面宣致詔詞。

事已復位。進退甚詳。爲禮部四年。拜兵部尙書。十二年以晉守兵部尙書充東都留守判東都尙書省東都畿汝州防禦使入謝。上語問日晏。謝下或有遷字問日

晏三字或作移時復有入謝者。上喜曰：董某疾且損矣。出語人曰：董公且復相。既二日拜東都留守判東都尙書

省事。充東都畿汝州都防禦使。州字或無兼御史大夫。仍爲兵部尙書。由留守未盡五月。由字或無拜檢校尙書左

僕射。同中書門下平章事。汴州刺史。宣武軍節度副大使。知節度事。管內支度營田汴宋亳穎等州觀察

處置等使。汴州自大曆來多兵事。劉玄佐益其師至十萬。玄佐死。子士寧代之。畋遊無度。或無畋遊字無度或作無幾考之傳

士寧每畋獵數日方還或本非是其將李萬榮乘其畋也。逐之。萬榮爲節度一年。度下或有使字其將韓惟清張彥林作亂。求殺萬

榮不剋。三年萬榮病風昏不知事。其子乃復欲為士寧之故。監軍使俱文珍與其將鄧惟恭執之歸京師。而萬榮死。詔未至。惟恭權軍事。公既受命。遂行。劉宗經章弘景韓愈實從。不以兵衛。及鄭州逆者不至。鄭州人為公懼。或勸公止以待。有自汴州出者。言於公曰。不可入。公不對。遂行。宿圃田。明日食中牟。逆者至。者下或無。至字非是。宿八角。明日惟恭及諸將至。及或遂逆以入。及郟。三軍緣道謹聲。庶人壯者呼。老者泣。婦人啼。遂

入以居。初玄佐死。吳濩代之。或無及鞏聞亂歸。士寧萬榮皆自為。而後命軍士將以為常。故惟恭亦有志。

以公之速也不及謀。遂出逆。既而私其人。觀公之所為。以告曰。公無為惟恭喜。知公之無害已也。委心焉。

進見公者退。皆曰。公仁人也。聞公言者。皆曰。公仁人也。環以相告。故大和初。玄佐遇軍士厚。士寧懼。復加

厚焉。懼下方有不字云士寧懼其無以繼也若去不字則下文皆衍○今按士寧萬榮專命竊據故懼士卒之圖已而復加厚焉尋上下文未見其情費而薄之之意也況以下文又加厚每加厚推之不字之術甚明方說誤矣至萬榮如士

寧志。及韓張亂。又加厚以懷之。至於惟恭。每加厚焉。故士卒驕不能禦。故士下或有甯字非是則置腹心之士。幕於公

庭廡下。挾弓執劍以須。日出而入。前者去。日入而出。後者至。寒暑時。至則加勞賜酒肉。公至之明日。皆罷

之。明日二字或作時非是初玄佐曹汴州兵至十萬遇之厚萬榮惟恭每加厚焉嘗介勇士伏幕下早暮蕃休晉一罷之貞元十二年七月也。八月。上命汝州刺史陸長源為御

史大夫行軍司馬。楊凝自左司郎中為檢校吏部郎中。觀察判官。杜倫自前殿中侍御史為檢校工部員

外郎。節度判官。孟叔度自殿中侍御史為檢校金部員外郎。支度營田判官。朝廷以晉仁柔多可恐不能集事八月以汝州刺史陸長源為晉行軍司

馬晉謙恭簡儉。每事因循。故亂兵粗安。長源性剛刻。多更張舊事。職事修。人俗化。嘉禾生。白鵲集。蒼鳥來巢。嘉瓜同蒂。聯

實。事下或有既字俗或作民書鳥舊本多作蒼鳥家語蒼鳥屬也瑞應圖有蒼鳥四方至者歸以告其帥。小大威懷有所疑。輒使來問。有交惡者。公與平

之。累請朝不許。及有疾。又請之。且曰。人心易動。軍旅多虞。及臣之生計。不先定。至於他日。事或難期。猶不

許。十五年二月三日薨於位。上三日罷朝。贈太傅。使吏部員外郎楊於陵來祭。弔其子。贈布帛米。有加。公

之將薨也。命其子三日斂。既斂而行。或無既斂二字於行之四日。汴州亂。乙酉以長源爲宣武軍節度使。是日兵亂殺長源叔度丘穎等故君子以公

爲知人。知或作智公之薨也。汴州人歌之曰。濁流洋洋。有關其郛。闢道謹呼。公來之初。今公之歸。公在喪車。又

歌曰。公既來止。東人以完。今公歿矣。人誰與安。人誰或作其誰。今按外集作其非是始公爲華州。亦有惠愛。人思之。公居處

恭。無妾媵。不飲酒。不諂笑。好惡無所偏。與人交。泊如也。未嘗言兵。有問者曰。吾志於教化。享年七十六。階

累升爲金紫光祿大夫。勳累升爲上柱國。爵累升爲隴西郡開國公。娶南陽張氏夫人。後娶京兆韋氏。夫

人皆先公終。四子。全道。溪。全素。潔。全道。全素。皆上所賜名。全道爲祕書省著作郎。溪爲祕書省祕書郎。全

素爲大理評事。潔爲太常寺太祝。皆善士。有學行。諸本溪作全溪。潔作全。溪考世系。董溪志溪。溪皆無全字。蓋全道全素出於賜名也。或無爲大理評事五字謹具歷官

行事狀。伏請牒考功。或無伏字并牒太常議所。諡牒史館。請垂編錄。謹狀。或作狀上

貞元十五年五月十八日故吏前汴宋毫穎等州觀察推官將仕郎試祕書省校書郎韓愈狀

與汝州盧郎中論薦侯喜狀。或無薦字。盧度也。喜嘗爲度作復黃陂記。公既已薦喜於盧汝州。十八年陸儔佐主司權德輿又薦於陸。儔後一年喜登第。誠可謂知己矣。

進士侯喜